

**NAQQIUT**  
Akissuteqaat 15. november 2024-imeersoq taarserpaa  
(Appassaaneerinninnissamut naqqitaq)

**Takornariartitsinermut, sumiiffinni nunami aalajangersimasuni zonenut agguasarmeqla il.il. inuussutissarsiutigalugu ingerlatsinermi aammalu killeqartumik sumiiffit ilaanni angalaarsinnaaneq pillugit Inatsisartut inatsisaaat**  
(Inuussutissarsiortermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

**Akissuteqaat**

(Inuussutissarsiortermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

**Aappassaaneerinnineq**

Inuussutissarsiortermut Aatsitassanullu Ataatsimiititaliap isumaliutissiissutaanut, Inuussutissarsiortermut Aatsitassanullu Ataatsimiititaliaq Naalakkersuisut qutsavigaat.

Inatsit taassumalu sunniutai pillugit attaveqatigiinnerup pingaaruteqarnera pillugu ataatsimiititaliap isumaa, Naalakkersuisut isumaqatigaat. Paasititsiniaanermik suliaq taanna Naalakkersuisut aallartissimavaat.

Zonenut immikkoortiterisarnissamut periarfissaq pineqartillugu, Inatsisartut inatsit akuersissutigissappassuk, nalunaarummik tamanut tusarniutigineqartussamik Naalakkersuisut piareersaalerput. Inatsisip pilernerata nalaani taakku ilanngussassaat pisariaqartitaasalu ilanngunneqarnissaat qulakkeerniarlugit kommunit ingerlaavartumik oqaloqatigineqartarsimapput.

Aallaaviatigut kommunit zonenut immikkoortiterinissaq pillugu suliamik aallartitsisussaanerat pillugu oqaasertaliornerup Naalakkersuisunit erseqqissarneqarnissaat ataatsimiititaliap piumasarismavaa. Angallanneq eqqarsaatigalugu, pingaarnertut kommunit tassaammata namminneq kommuniminni takornariaqarnerup qanoq ililluni ineriartortinneqarnissaanik kissaateqartussat, tassunga pissutaavoq. Kisianni sumiiffeqarmat kommunit agguarneqarnerisa avataanni inisisimasunik, pisuni tamani kommune suliamik aallartitsisussaanngilaq. Pisuni taamaattuni zonenut immikkoortiterisoqassappat zonenut immikkoortiterineq pillugu Naalakkersuisut isummertussaapput.

Zonenut immikkoortiterisoqassappat zonenut immikkoortiterineq inatsisiniq allanik unioqqutitsissanngilaq. Tamanna ingalassimatinniarlugu zonenut immikkoortiterinissaq pillugu qinnuteqaat Naalakkersuisut inaarutaasumik suliarissavaat aamma suliamik

suliarinninnermut atatillugu inatsisit allat imaluunniit akuersissutit atuuttut zonenut immikkoortiterinermi ajortumik sunnerneqannginnissaat qulakkiissallugu. Taamaammat pisuni ataasiakkaani Naalakkersuisut kommunit inassuteqaataannit akerliusumik aalajangiisinjaapput. Ataatsimoorussamik tassunga pullaveqarnissaq qulakkeerniarlugu, suliassaqarfitt assigiinngitsut akornannit suleqatigiissitanik pilersitsiniarpugut.

Inatsisissatut siunnersuummi matumani oqaatsitigut unammilligassat Naalakkersuisut ajuusaarutigaat aamma siunnersummik pingajussaaneerinninneq sioqqullugu tamanna iluarsiniarlugu.

Taamatut oqaaseqarlutik siunnersuutip akuersissutigineqarnissaa Naalakkersuisut inassutigaat.